

Акафист Пресвятой Богородице в честь иконы Ее, именуемой «Целительница»

Кондак 1

Избранней от всех родов Пресвятѣй Дѣве Богородице, явившейся некогда клірику болящу, во еже исцелити его от болезни лютыя, похвальное приносим пение; Ты же, всемилостивая Владычице, яко имущая державу непобедимую, от всяких бед и скорбей и болезней свободи ны, зовущия Ти: Радуйся, Благодатная, Целительнице душ и телес наших.

Икос 1

Архангел Гавриил, возвещая Пресвятѣй Дѣве Марии безсеменное зачатие от Нея Сына Божия, рече: «Радуйся, Благодатная, Господь с Тобою, благословенна Ты в женах»; мы же, грешнии, гласу Архангела подражати дерзаяще, с верою, любовию и благоговением вопием пения сицевая:

Радуйся, от начала веков во главу нашего спасения предызбранная;
радуйся, многообразне от пророков предвозвещенная.

Радуйся, Невесто Неневестная, зачехшая Сына нашествием Духа Святаго;

радуйся, Мати, в рождестве и по рождестве пребывшая Дѣва.

Радуйся, Одеющагося светом, яко ризою, пеленами повившая;

радуйся, горняя и дольняя благодатию Своею Питающаго млеко́м пита́вшая.

Радуйся, на руку Твоею Вседержителя носившая;

радуйся, о Промыслителе всея твари попечение имевшая.

Радуйся, паче всех Сына Твоего возлюбившая;

радуйся, паче всех от Него превознесенная.

Радуйся, честнейшая и славнейшая без сравнения всех Небесных Сил;

радуйся, превышшая всякаго создания.

Радуйся, Благодатная, Целительнице душ и телес наших.

Кондак 2

Видящи, преблагая Владычице, усердие и благоговение клірика Викентия, на всяк день преклоняющаго колена пред честным Твоим образом и архангельское приветствие Тебе приносящаго, прияла еси таково́е его́ благоугождение и даровала еси ему́ во дни болезни внезапное и дивное со одра востание. Темже и мы преклоняем колена

душ и телес наших пред цельбоносным Твоим образом, Госпоже наша Богородице, и поминающе чудное явление Твое клирику болящему, вопиём Сыну Твоему и Богу нашему: Аллилуиа.

Икос 2

Разумев чудесное исцеление от тяжкаго недуга, клирик Викентий востав с убогаго ложа своего, иде в церковь и тамо песньми хвалёбными прослави Тя, Целительницу всех болящих. Приими убо и от нас, Мати Божия, сия благохваления:

Радуйся, от врат смертных неисцельно болящих к жизни возвращающая;

радуйся, сострадания к страждущим преисполненная.

Радуйся, поражённых различными недуги чудесно исцеляющая;

радуйся, во всяких скорбех и печалех небесную отраду в сердца наша изливающая.

Радуйся, в христианских добродетелех преуспети нам помогающая;

радуйся, любовьию к Богу и ближним нас воодушевляющая.

Радуйся, от растлевающих душу и тело соблазнов мира сего сохраняющая;

радуйся, скорая услышательнице усердно Тебе молящихся.

Радуйся, источающая великия милости и щедроты любящим Тя;

радуйся, вся потребная в животё сем дарующая уповающим на Тя.

Радуйся, убожающих Тя в грозный час смерти не оставляющая;

радуйся, почитающих Тя жизни вечныя сподобляющая.

Радуйся, Благодатная, Целительнице душ и телес наших.

Кондак 3

Силою, данною от Тебе, Госпоже Царице и Владычице, святая икона Твоя источает неоскудно исцеления страждущим от недуг многообразных, с несумненною верою к ней притекающим, Богу же вопиющим: Аллилуиа.

Икос 3

Имуще премногую любовь к роду христианскому и матернее о нем попечение, всем просящим у Тебе помощи и заступления всякое благое прошение скоро исполняеши; сего ради Тебе, всемогней Заступнице и скорой Помощнице нашей, приносим похвалы сия:

Радуйся, скорбящих утешение;

радуйся, безнадежных надеждо.

Радуйся, труждающихся помощи и укрепление;

радуйся, нищих одеяние.

Ра́дуйся, а́лчущих пита́тельница;
ра́дуйся, оби́димых и гони́мых засту́пнице.
Ра́дуйся, оби́дящих устраши́тельница;
ра́дуйся, в христиа́нстей ве́ре наста́внице.
Ра́дуйся, взыска́ние поги́бших;
ра́дуйся, споручи́нице спасе́ния грешных.
Ра́дуйся, Иве́рии прославлéние;
ра́дуйся, земли́ Ру́сския благодáтный Покрóве.
Ра́дуйся, Благодáтная, Целите́льнице душ и телес на́ших.

Кондак 4

Бу́ри страсте́й и похоте́й, и искуше́ний бесо́вских изба́ви нас,
премилосе́рдная Богоро́дице, укрепí и сохрани́ в нас до конца́ жи́зни
нашея ве́ру правосла́вную и преда́нность Святе́й Це́ркви, да возмо́жем
невозбра́нно пе́ти Го́споду Бо́гу: Аллилу́иа.

Икос 4

Слы́ша Го́сподь на Небеси́ Твоя́ о нас молéния, Преблага́я
Влады́чице, исполняет ско́ро всякое прошéние Твое́. Веду́ще таково́е
ма́тернее дерзнове́ние к Сы́ну Твоему́, Го́споду на́шему Иису́су
Христу́, вси к Тебе́ прибега́ем и усердно мо́лим Тя: предста́тельствуй
о нас, многогрешных раба́х Твои́х, пред всемо́гущим Созда́телем
нашим, да не погуби́т нас со беззакóнными на́шими, но да пода́ст нам
оставле́ние прегреше́ний, вопию́щим Тебе́ из глубины́ души́:

Ра́дуйся, Предста́тельница на́ша пред Бо́гом, мир от бед
спаса́ющая;

ра́дуйся, Сы́на Твоего́ на ми́лость к нам недостóйным
преклоня́ющая.

Ра́дуйся, от запале́ния о́гненнаго росóю моли́тв Твои́х
избавля́ющая;

ра́дуйся, уда́ры мо́лнии и гро́ма от нас отводя́щая.

Ра́дуйся, юро́дивую му́дрость ве́ка сего́ посрамля́ющая;

ра́дуйся, путь спасе́ния заблудшим показу́ющая.

Ра́дуйся, грешным к Бо́гу дерзнове́ние да́рующая;

ра́дуйся, изнемога́ющим в напа́stech, ско́рбех и искуше́ниях ско́ро
помога́ющая.

Ра́дуйся, в посте́, моли́тве и богомы́слии пребыва́ющим при́сно
спребыва́ющая;

ра́дуйся, бла́га земна́я, сýетная и скоропременно́я, презира́ти нас
науча́ющая.

Рáдуйся, к небéсным и вéчным сокровищем умы и сердца нáша
возводящая;

рáдуйся, единое на потребу избирáти научáющая.

Рáдуйся, Благодáтная, Целительнице душ и телес нáших.

Кондак 5

Свет Небéсный озари хрáмину болящаго клирика, егда предста́ла
еси, Преблагáя Владычице, даровáти ему́ исцелéние от лю́таго недуга.
О Пресвятáя Госпоже́ Богородице, просвети́ помрачénныя многими
грехми́ дýши нáша и подáждь исцелéние болéзнующим телесém
нáшим, да прославля́юще Твоя́ мило́сти, вопи́ем радостно́ Бо́гу:
Аллилу́иа.

Икос 5

Ви́дяще Тя, Влады́чицу Богороди́цу, пред огнезрáчным Престо́лом
Пресвяты́я Трóицы стоя́щу и за христиáн моля́щуюся, Небéсныя Силы
и вси святíи, от века́ Бо́гу угодившии, немóлчными славослóвиями
ублажа́ют Тя. Мы́ же, грéшнии, на земли́, любóвию к Тебе́
подвизáемии, дерза́ем воспевáти Тебе́ си́це:

Рáдуйся, Мáтернею любóвию весь мир христиáнский объёмлющая;

рáдуйся, моли́твами Твои́ми к Сы́ну Твоему́ и Бо́гу нас спаса́ющая.

Рáдуйся, о́бразом святы́м Целительнице́ Ивэ́рию благословившая;

радуйся, град Москвú и обитель Алексеевскую подóбием его́
освятившая.

Рáдуйся, изрядная Спобóрнице веду́щим брань протíву искуше́ний
мирских и душевредных;

рáдуйся, Настáвнице целомудрия и воздержáния.

Рáдуйся, всех прибега́ющих под кров Твой приёмлющая;

рáдуйся, от всякия злóбы и вражды́ мíром и любóвию
огражда́ющая.

Рáдуйся, подвижников благочестия к Го́рнему Иерусали́му
Путеводительнице;

рáдуйся, душепа́губных ересей и раско́лов Искоренительнице.

Рáдуйся, ско́рая в беда́х и печáлах Утешительнице;

рáдуйся, всех вёрных благáя Застúпнице.

Рáдуйся, Благодáтная, Целительнице душ и телес нáших.

Кондак 6

Проповéдует Святáя Правосла́вная Цёрковь мно́жество чудес
Твои́х и вели́кия Твоя́ мило́сти, Преблагáя Влады́чице, я́ко грады и
веси́ огражда́еши, обители́ ино́ческия и жили́ща благочестивых

защищаеши, обидимых заступаеши и вся благая и душеползная низпосылаеши всем прославляющим Тя и поющим Сыну Твоему: Аллилуиа.

Икос 6

Светло красуется zde, Госпоже Богородице, чудотворная Твоя икона, именуемая «Целительница», прогоняючи от всех верных тьму искушений и напастей и обильно исцеления источаючи. Сего ради во умилении зовем Ти:

Радуйся, образ Твой нам милостивно даровавшая;
радуйся, чрез иконы Твоя святая преславно чудодельствующая.
Радуйся, от неисцельных болезней скорое исцеление подающая;
радуйся, от всяких бед и скорбей избавляющая.
Радуйся, греховныя страсти укрощающая;
радуйся, колеблющихся в вере православней укрепляющая.
Радуйся, утешение благодатное в сердца боголюбивая изливающая;
радуйся, надеждою небесных благ верных души улаждающая.
Радуйся, в добрых делах преуспевати нам помогающая;
радуйся, от видимых и невидимых враг нас защищающая.
Радуйся, благодатию Твоею падших возставляющая;
радуйся, страх Божий в сердца наша вселяющая.
Радуйся, Благодатная, Целительнице душ и телес наших.

Кондак 7

Хотящи явити милосердие Твое неизреченное, даровала еси нам, Преблагая Богородице Дево, чудотворную икону Твою, именуемую «Целительница», да вси притекающие к ней с верою от болезней свободуются и всякаго утешения сподобляются. Сего ради вопием о Тебе Богу: Аллилуиа.

Икос 7

Дивна и преславна дела Твоя, Пренепорочная Владычице: всем бо, богатым и нищим, здоровым и болящим, с прилежною молитвою к цельбоносней иконе Твоей притекающим, вся благая по коегождо потребе и в меру веры и любви подаеши. Темже и мы не тайм Твоих благодений, но, благодарственно прославляюще милости Твоя, глаголем Ти сие:

Радуйся, глухих слышание;
радуйся, слепых прозрение.
Радуйся, немых глаголение;
радуйся, хромых хождение.

Рáдуйся, прокажéнных очищéние;
рáдуйся, разслабленных укреплéние.
Рáдуйся, от злых и лукавых духóв освобождéние;
рáдуйся, по Бóзе нáше прибéжище и заступлéние.
Рáдуйся, от нужд, печáлей и бед непрелóжно избавляющáя;
рáдуйся, пристрáстие к тлénному богáтству искореняющáя.
Рáдуйся, искáти богáтство нетлénное на Небесí научáющая;
рáдуйся, ум наш в Гóрняя вперяющая.
Рáдуйся, Благодáтная, Целíтельница душ и телés нáших.

Кондак 8

Стрáнни и пришéльцы в мíре сем скóрбнем и многмятэжном сýще, вéчнаго Небéснаго отéчества взыскуем и Тебé, всемо́щную Царíцу Приснодéву Богорóдицу, смирénно прóсим: путево́дствуй нас по стезя́м спасíтельных заповедей Сýна Твоегó, Христá Бóга нáшего, да избéгше сéтей невидимаго врагá, возмо́жем невозбранно воспевáти Вседержíтелю Бóгу песнь: Аллилу́иа.

Икос 8

Весь мир христиáнский ублажа́ет Тя, Пренепорóчная Дéво, глáсы хвалéбными: всем бо вёрным, наипáче же болящим, утéшительно есть взирáти на всечестнóую икóну Твою́, «Целíтельница» именúемую. О пречúдная Госпожé Богорóдице, прими́ и нáша умилéнная благохвалéния таковáя:

Рáдуйся, рáдосте нáша;
рáдуйся, добрóто несказáнная.
Рáдуйся, высотó добродéтелей;
рáдуйся, глубинó смиренномúдрия.
Рáдуйся, неисто́щмый исто́чнице мíлостей и щедрóт;
рáдуйся, благоухáнный цвёте дéвства и чистоты́.
Рáдуйся, вéры христиáнскаго утверждéние;
рáдуйся, нечéстия обличéние.
Рáдуйся, Гóрних Сил похвалó;
рáдуйся, прáведных слáво.
Рáдуйся, грéшных уповáние;
рáдуйся, ненадéемых надéяние.
Рáдуйся, Благодáтная, Целíтельница душ и телés нáших.

Кондак 9

Все уповáние на Тя возлага́ем, Мáти Бóжия, и в скóрбех и болéзнях ко святéй икóне Твоей с благоговéнием и вéрою притека́ем, чающе от

нея скорое утешение и исцеление получить. О Пресвятая Царице Богородице, воззри милостивно на нас, смиренных рабов Твоих, и ускори исполнити вся, яже на пользу нам, и в сей жизни, и в будущей, да прославляюще Твое благоутробие, воспеваем Творцу Богу: Аллилуиа.

Икос 9

Ветии многовещаннии не возмогут достойно восхвалити Тя, Пречистая Дево, Честнейшую Херувим и Славнейшую без сравнения Серафим, безсеменно рождшую Спаса душ наших. Мы же, аще и немощни есмы, обаче, любовьию к Тебе побеждаеми, отверзаем недостойная уста своя на похвалы Тебе сицевыя:

Радуйся, тайно, умы человеческими и Ангелькими непостижимая;
радуйся, чистотою Ангелов превозшедшая.

Радуйся, чудес Христовых начало;
радуйся, пророчеств древних исполнение.

Радуйся, девство и рождество в Себе чудно сочетавшая;
радуйся, во обою непорочно и свято Себе сохраняющая.

Радуйся, Мати Сына Божия и Бога Вышняго;
радуйся, падшему человечеству отверзшая вход в Царствие Небесное.

Радуйся, тихое пристанище от бурь плавающим по морю житейскому;

радуйся, Богом дарованная отрадо страждущим.

Радуйся, сияющая благодатию и славою предивных знамений и чудес;

радуйся, приемлющая похваление людских словес.

Радуйся, Благодатная, Целительнице душ и телес наших.

Кондак 10

Спасти хотя род человеческий от беззаконий и вечных муки, Человеколюбец Господь Тя, Матерь Свою, дарова в помощь, покров и защиту верующим в Него. Прославляюще таковое Создателя нашего безмерное милосердие о нас, грешных, благодарственным сердцем и устны вопием Ему: Аллилуиа.

Икос 10

Стена еси неборимая и заступление крепкое, Богородице Дево, всем с молитвою к Тебе прибегающим. Темже убо и нас, недостойных, огради от лютых болезней и от всякаго злаго обстояния и подаждь во всех делех благовременную помощь и укрепление взывающим Ти:

Ра́дуйся, Засту́пнице на́ша и похвало́;
ра́дуйся, Хра́нительнице на́ша и утвержде́ние.
Ра́дуйся, Отра́до на́ша и дивное о нас попече́ние;
ра́дуйся, изве́стное прибе́жище на́ше во всех ско́рбных обстоя́ниях.
Ра́дуйся, младе́нцев воспита́ние;
ра́дуйся, ю́ных Наста́внице целому́дрия.
Ра́дуйся, супру́гом любви́ и согласи́е да́рующая;
ра́дуйся, благоговейных ста́рцев духо́вно укрепля́ющая.
Ра́дуйся, ве́рных па́стырей Святы́я Це́ркве вразумля́ющая;
ра́дуйся, во ино́ческом о́бразе подвиза́ющимся в Го́рний Иерусали́м
пу́ть указа́ющая.
Ра́дуйся, в ми́ре благоче́стиво живу́щих не оставля́ющая Свои́м
заступле́нием;
ра́дуйся, всем христиа́ном предивное вспомо́жение.
Ра́дуйся, Благода́тная, Целите́льнице душ и теле́с на́ших.

Кондак 11

Пе́ния и мольбы́ всеумиле́нныя, ны́не на́ми приноси́мыя пред
цельбоно́сным Твои́м о́бразом, прими́, Присноде́во Богоро́дице, и
сподо́би до конца́ жи́зни на́шея еди́ному Бо́гу воспева́ти: Аллилу́иа.

Икос 11

Светоза́рне сияет чудотво́рная ико́на Тво́я, Ма́ти Бо́жия, источа́ющи
ве́рным то́ки исцелений́ благода́тных и наста́вляющи блужда́ющих во
тьме́ грехо́в на све́тлый пу́ть добродетелей и спасе́ния. Сего́ ра́ди
вопи́ем Ти хвале́бныя пе́сни тако́вья:

Ра́дуйся, чудесе́, от святы́я ико́ны истека́ющими, Карта́линию
напои́вшая;
ра́дуйся, оби́тель Алексе́евскую о́бразом сим просла́вльшая.
Ра́дуйся, осене́нием Твое́я ико́ны си́лу вра́жию прогоня́ющая;
ра́дуйся, прибега́ющим в ско́рбех, ну́ждах и боле́знях ско́рое
утеше́ние и исцеление́ подава́ющая.
Ра́дуйся, чу́до чудес, Оди́гитрие Влады́чице, на пу́ть спасе́ния
наста́вляющая;
ра́дуйся, ми́рное устро́ение обу́реваемым на́пастыми да́рующая.
Ра́дуйся, чистото́ю Твое́ю чи́стому жити́ю нас науча́ющая;
ра́дуйся, лука́вых, го́рдых и гневли́вых люде́й вразумля́ющая.
Ра́дуйся, пра́вую ве́ру и страх Бо́жий в нас все́ляющая;
ра́дуйся, све́том Христо́ва уче́ния тьму́ неве́рия прогоня́ющая.
Ра́дуйся, смуще́ния помышле́ний сумни́тельных удаля́ющая;

ра́дуйся, духо́вныя да́ры ще́дро подаю́щая.
Ра́дуйся, Благода́тная, Целі́тельнице душ и телес на́ших.

Кондак 12

Благода́тию и щедро́тами Тво́ими, премилосе́рдная Влады́чице, не оставля́еши христиа́н правосла́вных, да́рующи скорбя́щим утеше́ние, оби́димым заступле́ние, боля́щим исцеле́ние и всем су́щим в беда́х много́разлі́чных изба́вление; сего́ ра́ди, прославля́юще Тя, благода́рственно вопи́ем Бо́гу: Аллилу́иа.

Икос 12

Пою́ще Тво́я неизрече́нныя ми́лости и чудеса́, явля́емая нам недосто́йным, преклоня́ем колéна пред цельбоно́сным Тво́им о́бразом, Богоро́дице Присноде́во, и мо́лим Тя усе́рдно: пода́ждь нам мир, тишинú и благу́ю христиа́нскую кончи́ну и не оста́ви без Твое́я по́мощи и заступле́ния во второ́м пришест́вии Сы́на Твоего́ и Бо́га на́шего всех принося́щих Ти со умиле́нием сия́ похвалы́:

Ра́дуйся, в уны́ние и отча́яние впа́дших наде́ждою спасе́ния укрепля́ющая;

ра́дуйся, úзы грехо́вныя разреша́ющая.

Ра́дуйся, пра́ведный на нас гнев Бо́жий на ми́лость прелага́ющая;

ра́дуйся, земно́е жити́е на́ше до́бре устроя́ющая.

Ра́дуйся, от опа́сных обстоя́ний Изба́вительнице;

ра́дуйся, в час кончи́ны ско́рая Помо́щнице.

Ра́дуйся, на мыта́рствах возду́шных заступа́ющая чту́щих Тя;

ра́дуйся, не чту́щих Тя посрамля́ющая.

Ра́дуйся, к Тебе́ любо́вь иму́щим отверза́ющая райская́ врата́;

ра́дуйся, ве́чнаго блаже́нства в Ца́рствии Небе́сном сподобля́ющая прославля́ющих Тя.

Ра́дуйся, Держа́во на́ша, во дни тяжких испытáний нас укрепля́ющая;

ра́дуйся, Ра́досте на́ша, во вся дни нас освяща́ющая.

Ра́дуйся, Благода́тная, Целі́тельнице душ и телес на́ших.

Кондак 13

О Всепе́тая Ма́ти Сладча́йшаго Го́спода на́шего Иису́са Христа́, ми́лостивно приими́ сие́ ма́лое молéние на́ше, изба́ви нас от вся́кия напа́сти, болéзни и внеза́пныя сме́рти и сподо́би нас насле́дники б́ити Ца́рствия Небе́снаго и со все́ми святы́ми воспева́ти Сы́ну Твоему́ и Бо́гу на́шему: Аллилу́иа.

Молитва

О Пресвятая Госпоже Царице Богородице, Вышшая всех Небесных Сил и Святѣйшая всех святых! Припадаем и поклоняемся Тебе пред всечестным и цельбоносным образом Твоим, воспоминающе дивное явление Твое болящему клирику Викентию, и усердно молим Тя, всеильную рода нашего Заступницу и Помощницу: якоже древле подала еси исцеление тому клирику, тако и ныне исцели наша души и телеса, болѣзнуючи ранами грехов и страстей многоразличных, избави нас от всяких напастей, бед, скорбей и вѣчнаго осужденія, сохрани от душепагубных учений и безверія, от льстивых и наглых нападений невидимых врагов, подаждь нам христианскую кончину, безболѣзненну, мирну, непостыдну, Святых Таин причастну, и сподоби нас на нелицеприятном судищи Христове стати одесную всеправеднаго Судий и блаженный глас Его услышати: «Приидите, благословеннии Отца Моего, наследуйте уготованное вам Царствие от сложения мира!» Аминь.

Иная молитва,

заимствована из сборника «Молитвы, чтымыя на молебных и иных последованиих» (Пг.: Синодальная типография, 1915), л. 34

Прими, о Всеблагословенная и Всемощная Госпоже Владычице Богородице Дѣво, сия молитвы, со слезами Тебе ныне приносимыя от нас недостойных раб Твоих, ко Твоему цельбоносному образу пение возсылающих со умилением, яко Тебе Самой zde сущей и вмѣлющей молѣнию нашему. По коемуждо бо прошению исполнение твориши, скорби облегчаеши, немощным здравие даруеши, разслабленныя и недужныя исцеляеши, от бесных бесы прогоняеши, обидимыя от обид избавляеши, прокаженныя очищаеши и малыя дети милуеши: еще же, Госпоже Владычице Богородице, и от уз и темниц свобождаеши и всякия многоразличныя страсти врачуеши: вся бо суть возможна ходатайством Твоим к Сыну Твоему, Христу Богу нашему. О Всепетая Мати, Пресвятая Богородице! Не престай молиться о нас недостойных рабах Твоих, славящих Тя и почитающих Тя, и поклоняющихся со умилением пречистому образу Твоему, и надежду имущих невозвратну и веру несумненну к Тебе, Приснодеве преславней и непорочней, ныне и присно и во веки веков. Аминь.